

# شعارات الجزء الرابع والعشرين | الحلقة ( 42 ) | #إني\_أنست\_نوراً | الموسم 10 | د. حازم شومان

حازم شومان

السلام عليكم ورحمة الله وبركاته. وصلنا للجزء الاربعة وعشرين يا جماعة. خلاص اللهم بارك. احنا مقربين نكمل الخاتمة الصح. ختمة التعارف. ختمة حياتنا وعمرنا ختمة اعادة اكتشاف القرآن واكتشاف كنوزه. ختمة الشعارات القرآنية. ختمة بصمات النور القرآنية على قلوبنا. عشان - [00:00:17](#)

من رمضان متغيرين عشان نتعلم ازاى نقرا كلام الله ونبدأ في الجزء الاربعة وعشرين. اليس الله بكاف عبده ليس الله بكاف عبده ده سؤال يعني لواحد جرب ولواحد شاف اليس الله بكاف ان يبقى يقول لك آآ مش انا انسان كويس مش انا انسان كريم يبقى معناه - [00:00:37](#)

شفتيني ميت مرة قد ايه اكرمتك. اليس الله بكاف عبده؟ كم مرة؟ شفت ربنا كفاك قد ايه؟ كم مرة ربنا حفزك كم مرة ربنا قواك؟ كم مرة ربنا رفعك - [00:00:57](#)

كم مرة ربنا استعملك في الدعوة ايه رغم ذنوبك؟ اليس الله بكاف عبده؟ الله الكافي. الله اللي يقدر يكفيك. اللهم اكفنا بحلالك ذلك عن حرامك واغننا بفضلك عن سواك. ان ربنا يكفيك بحلاله عن حرامه. بالحلال بامرأة جميلة تتزوجها في الدنيا - [00:01:07](#)  
علاقة حرام بمتعة الحلال عن المتع الحرام بالمال الحلال عن المال الحرام. بالصاحب الصالح عن صاحب السوء. ان ربنا يكفيك ربنا يقدر يعوضك عن كل حاجة بس اليس الله بكاف ميين في قراءة عشرية عبادة؟ اليس الله بكاف عبده اللي بيعبد ربنا؟ ربنا هيكفيه - [00:01:27](#)

قل حسبي الله. الله! قل افرايتم ما تدعون من دون الله. ان ارادني الله بضر هل هن كاشفات ضره او ارادني برحمة؟ هل هن ممسكات صفر خيالات مئاة البشر والحكام والرؤساء والوزراء ورجال الاعمال والاغنياء والملوك والغفرا والوزرا والاقويا وكلهم صفر. فبعدها ربنا - [00:01:46](#)

قال للنبي قل حسبي الله كفاية علي ربنا. لو ربنا معي ما عدتش محتاج حد ثاني معي. اذا كنت في كل حال معي فعن حمل انا في غنى. انا في غنى طول ما انت معي يا رب. قل حسبي الله. ما دام عرفت ان ربنا يقدر يكفيك في كل حال. ولو ربنا معك كفاية ان ربنا يبقى معك - [00:02:07](#)

خلاص بقى اكتفي بالله. الاكتفاء بالله ده مقام من اعظم مقامات الايمان. الاستغناء بالله. ان ربنا يكفيك عن صحبة البشر. ان ربنا يكفيك عن اي حاجة حد في الدنيا هياخذك وهياخذ قلبك عن الله ويفتنك عن عبادة الله - [00:02:27](#)  
قل يا قومي اعملوا على مكانتكم اني عامل. اعملوا على مكانتكم بالعربي الله اعلم بمراده يعني اعلى ما في خلقه اركبوه. اعملوا على مكانتكم اعزم امكانياتكم خرجوها في حرب الدين. اني عامل. انا مش هبطل - [00:02:42](#)

انا مكمل. انا شغال لدين ربنا. مهما عملت وانا مش هقف معاني جبارة اخواني في الله ان في ذلك لايات لقوم يؤمنون. ده بعد اولم يعلموا ان الله يبسط الرزق لمن يشاء ويقدر. الرزق مليون ايات. بس احنا نفكر - [00:02:57](#)

رغيف العيش اللي انت بتاكله كل يوم الصبح الصبح ده تلتمية وستين جندي من جنود ربنا اشتركوا فيه. الرياح والسحاب والماء واخر جندي كان الخباز اللي خبزه لك. ربنا بيرتب رزق البشر بمعجزات. التفاحة اللي بتزرع في امريكا الوقتي وهي من رزقك -

خلق الارزاق معجزة. وبعد كده توصيل الارزاق ازاى ان رزق كل واحد يوصل له. معجزة ده الطيور رزقها ما بين اسنان التماسيح التماسح بيفتح بقة ياخذ رزقه ويمشي. وبعد كده توصيل الارزاق معكزة. وبعد كده تقسيم الارزاق معجزة. ازاى ان صندوق التفاح ده كل واحد مكتوب - [00:03:33](#)

اسمه على التفاحة انت مش بتختار بمزاجك مش اللي اخلوت في عينك ده اللي مكتوبة لك ده اللي ربنا كاتبها لك معجزة الرزق معجزة يا جماعة ما تخافوش ما تخافوش ابدأ. الله الرزاق موجود. الناس بتعصي الرزاق عشان الرزق. ده ينفع! وما من دابة في الارض الا على الله رزقها. لو كان ربنا قال وما من انسان في الارض - [00:03:53](#)

اتكل على الله رزقكم كاتبك اخف. ده ربنا بيقول ما فيش حمار ما فيش صرصار ما فيش دبابة ما فيش نملة ما فيش فار. انا مش مرتب له رزقه انت هانسى رزقك - [00:04:13](#)

ما فيش كافر ما بلغتلوش رزقه. انت يا اللي بتصلي وبتصومي. انت يا اللي بتعبد وبتدعو الى الله. مش هيرتب لك رزقك. احسن الظن في الله قل يا عبادي الله اجمل نداء في القرآن الذين اسرفوا على انفسهم زانوا وشربوا خمر ومخدرات ولسه بيقول لهم يا عبادي ما بيقول لهمش يا زناة ولا - [00:04:23](#)

يا فجرة يا عبادي لسة بيقربوا. لا تقنطوا من رحمة الله. ما تياسوش ان ربنا يستجيب دعائكم. رغم كل اللي عملتوه. وما تستياسوش ان ربنا يديكم الفردوس الاعلى ما تياسوش ان ربنا يحل لكم مشاكل حياتكم. لان الله يغفر الذنوب جميعا لو جمعت ذنوب البشر. من ادم ليوم القيامة دمة ندم - [00:04:42](#)

واحدة تحرقها كلها بس انت تب واتبعوا احسن ما انزل اليكم من ربكم. دا لسة شاب كان بيذني وبيشرب مخدرات ولسه داخل. اهو ولسه ربنا بيقول للذين اسرفوا. وربنا بيقول - [00:05:02](#)

تابعوا احسن ما انزل اليكم من ربكم. من كان له بداية محرقة كان له نهاية مشرقة. اعظم حاجة ان بدايتك في الدين تبقى قوية. اتبعوا احسن ما انزل اليكم تبدأ احسن بداية. لازم تبدأ مع القرآن وده احسن ما انزل الينا من ربنا - [00:05:14](#)

ربنا يجعلنا من اهل القرآن. يبقى كل ما هتبدأ بداية قوية كل ما هتستمر في الدين اكثر من اعظم اسباب الثبات في الدين. البداية القوية. بدايتك هتفضل تأسر التزامك طول حياتك. البداية المذبذبة هتفضل تخليك مذبذب طول حياتك. اللي ماشي على خط مستقيم بس منحرف خمس درجات هيفضل يبعد يبعد يبعد لحد بعد فترة يلاقي - [00:05:30](#)

اي انحراف بسيط عن الطريق المستقيم بعد فترة هتلاقي نفسك بعدت في البداية البداية البداية عشان كده عملت لكم سلسلة دستور الملتمزم الجديد. التزمت ثم ماذا؟ كلها عن اول ست شهور في الالتزام. ازاى - [00:05:50](#)

نبدأ الالتزام بداية صح. بل الله فاعبد وكن من الشاكرين. طب ايه علاقة الشكر بالعبادة؟ انك لما هتتعبد هيملى بالعطاءات فاشكر على العطاءات اللي هيديها لك. ربنا واشكر ربنا انه رزقك التوحيد. اعظم نعمة الكل سجدة نعمة كل - [00:06:04](#)

يعني اعمى كل فتحة مصحف نعمة. اشكر ربنا سبحانه وتعالى. وما قدروا الله حق قدره حاجة صعبة اوي احنا اقتدرنا الموبايلات حق قدرها. قدرنا العربيات حق قدرها. قدرنا الاراضي حق قدرها. بقينا يا جماعة حتى ابسط حاجات. يقول لك انت عايز سيراميك كسر ولا - [00:06:24](#)

فرز تاني ولا سيراميك فرز اول! احنا بقينا مقدرين كل حاجة في الدنيا! مش مقدرين ما لك الملك ليه! مش مقدرين عظمة صفات جلال الله ليه تبارك الذي بيده الملك تبارك. تبارك دي لما تشوفي واحدة جميلة مزهلة في الجمال تقولي تبارك الخلاق فيما خلق.

الجمال بيتفجر من وشها - [00:06:43](#)

الذي بيده الملك الاء ربنا بتتفجر في الكون. تبارك الذي نزل الفرقان على عبده اعجاز ربنا وكرم ربنا وعلم ربنا بتتفجر اثاره من كلمات القرآن. تبارك الله رب العالمين. نعم ربنا بتتفجر في حياة البشر. مش حاسين ليه - [00:07:03](#)

وما قدروا الله حق قدره والسموات مطويات بيمينه. لو انا جبت شجرة صغيرة في الشارع وقلت لاقوى راجل غير مدايزر اطويها

بيمينك مش هيقدر السماوات المية وستين مليار سنة ضوئية دي مطويات بيمينى قد ايه قوة الله. اللي يقدر يطوي السماوات بيمينه ما يقدرش يرزقك. مرض ايه اللي ربنا ما يقدرش - [00:07:23](#)

في فقر ايه اللي ربنا ما يقدرش يغنيه! كرب ايه اللي ربنا ما يقدرش يفرجه! عايزين نعرف من هو الله! اعظم سعادة في الحياة واعظم نعيم في الحياة هو معرفة الله. نعيم عشان كده اهل الجنة لما بيدخلوا الجنة يقول هذا الذي رزقنا من قبل واوتوا هذا الذي رزقنا من قبل يعني ايه؟ السعادة اللي في الجنة - [00:07:45](#)

يقولوا ده احنا برضه كنا سعداء في الدنيا لمعرفة الله. قالوا ده احنا دقنا شئ من هزه السعادة في الدنيا بسبب معرفة الله. معرفة الله هي جنة الدنيا في الدنيا جنة يا جماعة ما تضيعوهاش. اعظم نوع غفلة هو الغفلة عن الله. ثم نفخ فيه اخرى فاذا هم قيام. الله! نفخ في السر فصعق. نفخ - [00:08:05](#)

نفخة من عبد من عبد من عبيد الله موتت الكون كله. دي قوة عبده او مال قوة الله. او مال قوة اللي خلقه انا اتيك به قبل ان تقوم من مقامك. ده دي قوة عبد امال قوة الله سبحانه وتعالى. ما ان مفاتحه لتنوم - [00:08:25](#)

وبالعصبة اولي القوة ده ده غنى عبد امال غنى الله. سبحانه وتعالى من هو الله؟ نفخة. الله! يعني كنا ما فيش فيه نفخة! ما يستحملش نفخة النفخة الاولانية موتت الكون. النفخة الثانية في نفس السور قومت الكون. ربنا يقدر بنفس السبب يعمل النتيجة وعكسها - [00:08:44](#)

ايه القوة دي ايه الاعجاز ده! ايه القدرة دي الى الجنة زمر! الله! ده ده اسم السورة زمر. زمر اه عارفين الزمر الاصوات الجميلة اللي بتطلع هم داخلين الجنة واصوات حفلات غناء بقى موسيقى تصويرية جبارة وهم داخلين الجنة. وفي نفس الوقت داخلين جماعات. كل زمرة كل مجموعة عملت عمل صالح - [00:09:02](#)

مع بعض دخلت الجنة مع بعض. انت عبادتك تدخلك الجنة مع العباد طب شغلك في الدعوة يدخلك الجنة مع الدعاء؟ طب جهادك في سبيل الله يدخلك الجنة مع المجاهدين علمك وطلبك للعلم يدخلك الجنة مع العلماء. طب هتدخل الجنة مع مين - [00:09:26](#)

شف زمرة ادخل الجنة معها. شف صحبة صالحة دخول الجنة معها ما حدش هيدخل الجنة لوحده. هو ليه ربنا ما قالش سيق الذين اتقوا الى الجنة فرادى وزمرا؟ مش لان ما حدش - [00:09:41](#)

الجنة لوحده لان كل اللي مشى لوحده ما عرفش يكمل. كل اللي مشى لوحده وقع. ما كملش لطريق الجنة ولنهاية الطريق غير اللي مشى مع صحبة صالحة. فيه كلمة اعظم من كده. تشجعك على اختيار الصحبة الصالحة. وتشجعك على اختيار الصحبة الصالحة. وسيق الذين اتقوا ربهم. سيق مع الكفار ربنا قال برضو سيق الله - [00:09:51](#)

الذين كفروا لان هم متزجرجرين متساقين زي البهائم. انما مع المؤمنين سيق لان هم مساق بهم. زي الباشا اللي راكب عربية والملايكة اللي هي سايقة به. الى الجنة رحلة عظيمة بقى. المراسم دخول الجنة بقى تشرب من الحوض الثاني للنبي عليه الصلاة والسلام. آآ نهر الحياة عشان اللي اتعزب في النار يثبت كما مرة - [00:10:11](#)

بقى آآ فيه بقى استيجاف الجنة من برة وفتحت ابواب الجنة ونعيم بقى شم رواحل الجنة ورؤية مناظرها من برة. مراسم بقى دخول الجنة الاستعدادات النهائية فهم يحضرون بقى الحضور بقى. الحبور ده يعني الحبور ده الجمال الشديد الجمال الرهيب. زوجتك - [00:10:31](#)

بقى تبقى جمال خارق. زوجك يبقى جمال خارق. الانشاء مرة تانية قبل دخول الجنة بقى. تدخل الجنة وانت جمالك جمال مذهل. انتم وازواجكم قارون في مرحلة تعديل للخلق قبل الجنة بتبقى داخل بقمة الجمال والقوة انت وزوجتك. فتخيل بقى الى الجنة زمر! - [00:10:51](#)

زمر! طبتهم فادخلوها. الله! الفاء فاء التعقيب. يعني اللي بعدها مبني على اللي قبلها. طبتهم فادخلوها. ما فيش حد هيدخل الجنة الا طيب يعني اللي عليه زنوب اللي في قلبه شهوات وشبهات ما ينفعش يدخل الجنة - [00:11:11](#)

مصايب في الدنيا اتطهروا. طب ما كفتش عزاب القبر يطهره. ما كفاش احوال القيامة تطهره. ما كفتش يدخل النار يتطهر فادخلوها

ما حدث هيدخل غير وهو طاهر مية في المية - 00:11:25

طاهر القلب من اي شهوة او شبهة الجنة ما فيش فيها دنس ولا فيها خبط على الاطلاق. عشان كده مصائب الدنيا بتطهر برضه

الانسان. فتطهر بالعمل الصالح في الدنيا عشان ما تضطرش تطهر - 00:11:38

النار يوم القيامة والعياذ بالله وقالوا الحمد لله. اول كلمة قالوها اول ما دخلوا الجنة برجليهم لم يشغلوا بالنعمة عن المنعم. جميل اوي

ان لما يجي لك نعمة تفتكري المنعم قبل النعمة - 00:11:51

جميل اوي ان النعمة ما تشغلناش عن المنعم والقال الحمد لله الذي صدقنا وعده. هو ايه بقى؟ عمل حاجتين. اورثنا الارض نتبوا من

الجنة حيث نشاء اورثنا الارض يعني مكن لنا في الدنيا في الارض. نتبوا من الجنة حيث نشاء. ادانا الجنة من ابوابها الثمانية وادانا

الفردوس الاعلى. يعني صدقنا وعده - 00:12:04

وفي الدنيا والاخرة. يعني من الاخر خدنا كل حاجة. عشان كده فنعم اجر العاملين. يا بختهم الصوامين القوامين يا بخط اللي اشتغلوا

في الدعوة. يا بخط اللي عاشوا حياتهم. يسترضوا الله. يا بختها اللي هتصبر على باب ربنا. يا بخته اللي هيوقف على بابه. وترى

الملائكة - 00:12:23

اهل الفردوس الاعلى بقى من ضمن نعيمهم شايفين طواف الملائكة حول عرش الله منظر جميل اوي ذي الطول غافر الذنب وقابل

مقابل التوب قالوا ان دي ارجى اية في كتاب الله. ليه؟ لان ربنا ما قالش قابل التوبة. لو قابل التوبة يبقى انا عصيت وتبت. فقبلك

مرة. انما التوب جمع التوبة. يعني - 00:12:42

لو عصيت الف مرة وكل مرة رجعت وتبت يقبلك. طب قمت راجع تاني قليت اصلي وعصيت وتبت يقبلك. طب رجعت الدنيا اشد

وتبت يقبلك المهم تفضل قابل للتوب ارجى اية في كتاب الله. شديد العقاب برضه لو ما توبتش. زد طول الطول يعني الانعام العظيم.

الذي يطولك بانعامه - 00:13:02

الطول سوء ذو الانعام العظيم الكبير. كلمة ترغبك في التوبة الى الله. سبحانه وتعالى. وما يتذكر الا من ينيب فاكرين الحلقة اللي

فاتت افتكروا دي قوي في فرق بين اب وتاب واناب. اب يعني رجع. تاب يعني رجع. اناب يعني رجع. طب يا رب طب الفرق اب رجع

- 00:13:25

للعادة. عشان كده انه او اب يعني له اوراد عبادة مستمرة بحافز عليها يوميا. طب تاب يعني رجع عن المعصية. يبقى تواب يبقى اللي

كان بيعصي ورجع ربنا اللي كان مقصر في الطاعات وبطل تقصير ربنا يقبله. طيب اه ويرجع له كل العطاءات. طب اناب يعني رجع

عن كل شيه. اناب يعني وقف وما يتذكر الا من ينيب - 00:13:45

كل شهر لازم يبقى لك وقفة. لازم يبقى فيه يوم يومين ثلاثة تقف كده في خلوة مع الله. تعبد ربنا وتحاسب نفسك وتاخذ قرارات زي

ما ربنا بيعمل لنا وقفات - 00:14:05

سنوية رمضان وعشر ذي الحجة العمرة لازم كل شوية وقفة. وما يتذكر مش هيفوق اللي ماشي في مكنة الدنيا اللي ماشي في دوامة

الدنيا ده مش هيفوق غير على القبر - 00:14:15

لازم تنيب لازم كل شوية وقفة. تبصرة وذكرى لكل عبد منيب. يعني كل عبد يقف يروح مكان تدبر تبصرة الاعمى يفتح الكسلان ينشط

واللي نسي يفتكر لكل عبد مين منيب. الانابة وقفات المجاهدة الدورية في حياة الصالحين - 00:14:25

رفيع الدرجات. رفيف الدرجات لها معنى. اول حاجة ان ربنا رفيف الدرجات درجات ربنا. مقام ربنا العظيم. والمعنى الثاني الرافع اقف يا

ان ربنا هو الرافع سورة غافر اولها اسمين من اسماء الله. وسعت كل شيه رحمة وعلما. الواسع يا شاب يا اللي كل احلامك ان ربنا

يديك - 00:14:45

شقة مية وخمسين متر يا غلبان يا غلبان يا فقير شقة مية وخمسين متر من مالك الملكوت الواسع كبر احلامك. ربك كبير ان الله لا

يتعاضمه شيه اعطاه. وليعظم الرغبة. يا رب - 00:15:05

اللهم انا نسألك من الخير كله عاجله واجله. ما علمنا منه وما لم نعلم. ونعوذ بك من الشر كله عاجله واجله. ما علمنا منه وما لم نعلم.

يبقى الواسع والتاني رفيع الدرجات الرافع. الرافع ربنا هو الواسع. الرافع الله - 00:15:22  
ما عملنا بكرمك. اللهم اسعنا برحمتك يا واسع. وارفع درجاتنا يا رافع. اللهم اهدنا وسددنا. اللهم اجعل القرآن العظيم ربيع قلوبنا ونور  
صدرنا وجلء احزاننا وذهاب همومنا. اللهم امين اللهم امين - 00:15:42  
- 00:15:59